

疆

識

畧

彊識畧三十七卷

崇陽吳楚材國賢編

弟

楚宮

璣

國

定

校

釋道部

佛

漢書云浮屠佛也佛者漢言覺也將以覺悟群

生也佛地論云覺一切種智復能開覺有情如睡

夢覺故名爲佛晉曜經云佛梵率天降神於西域

迦維衛國淨梵王宮摩耶夫人剖右脅而生生而

能言姓釋迦號牟尼佛小名天中天

初爲淨梵王太子一日抱

出謁天神廟神像即禮太子王曰我

子於天神中更爲尊勝宜名天中天一云初生下

一手指天一手指地周行七步目顧四方曰天上

天下惟吾獨尊經云周莊王七年癸巳歲佛生於
天竺城年十九踰城出家學道六年道成具三十
二相八十種好在世教化四十九年乃至天龍人
鬼並來聽法匡王五年七十九歲於拘尸那城婆

羅雙樹間二月十五日入涅槃譯言滅度亦葬回

鹿山按宋書云顧歡以佛道互異乃著夷夏論云

妙老子因其畫寢乘日精入淨妙口中後年四月

八日夜半剖左腹生陸地即行七步年子則云佛

精從天來夫人晝

夢見象六牙而孕

佛像 漢明帝夢金人長丈餘頂有日光飛行殿庭

以問於朝傳毅以佛對于是遣博士王遵等十八

人回往西域至月支國遇迦葉摩騰竺法蘭如梵
僧帶白氎畫釋迦像還洛陽至北魏鑄金像高一
丈八尺

佛經 自王遵等得經四十二章白馬馱歸云佛滅

度後弟子迦葉追共撰述其教爲十二部大抵言
生生之類皆因行業有三世識神不滅凡爲善惡
必有報應漸積勝業陶冶麤鄙經無數形澡練神
明乃致無生而得佛道也其間階次心行等級非
一皆緣淺以至深籍微而爲著在於積仁順蠲嗜
欲習虛靜而成通照也其後胡僧安靜夫懺康會

俱譯佛書以傳中國至晉安帝時姚興大集胡僧
命鳩摩羅什翻譯佛經梁武帝時又自作為懺呪
等書以倡之也

佛塔 西域記云昔有比丘見群鴈飛翔忽一鴈投

下自殞眾曰此鴈垂戒宜旌彼德乃瘞鴈建塔今

故云鴈塔

又釋迦真身舍利塔見於明州鄞縣阿育王所造八萬四千此其一也高僧傳

云康僧會至建業孫惟使求舍利既得之權即造塔又塔一名浮屠即浮圖一名浮塗又蘇塗侯鯖

解云寺者祠也治事者相嗣續於其中也

寺

佛初得道在摩伽陀國伽耶山寺譬喻經曰阿

育王起千八百寺高僧傳曰漢明帝於城門外立

精舍以處摩騰即白馬寺也

名白馬者相傳天竺招提白馬繞塔悲鳴

之義也一云摩騰初來止鴻臚寺遂取寺名創置隋煬帝改曰道場復白寺招提菩薩皆古佛號故名道場又蘭若比丘較小

僧

四姓為沙門皆稱釋種尊勝經名為苾芻諸經

名為比丘摩騰竺法蘭漢地僧之始也僧會吳地

僧之始也漢明帝聽陽城侯劉峻等出家此中國

人為僧之始也

一曰優婆塞又曰僧又曰德士又曰桑門又行阿耨菩提心是名上人

人又有三輩坐禪為上誦經為中助眾為下

名義

二相

身心

三乘

小大乘

三寶

佛法

三世

過去現在未來

五眼

肉天慧

四無量

慈悲喜捨

六根

眼耳鼻舌身意又謂之六觸

三

緣

第一了自已輪迴生死二為紹隆八風利衆毀

苦

四諦苦集五濁衆生煩惱五蓋貪慾瞋恚癡三

昧

釋道氏云貞一儒者云致一三藏經律論四大毛

等

婦地唾涕等婦水四恩父母師長五戒去殺盜

煖

氣婦火動轉婦風四恩父母師長五戒去殺盜

酒

六通天命神境如意五蘊識即五陰六塵色聲

觸

如來本覺為如招提十方浮圖相伽藍園者生

佛

弟子僧伽衆沙門去欽而婦于無為沙彌後稱

居

之華言息慈謂比丘乞士上於諸佛乞食闍梨執頭

安

息在慈悲地比丘乞士上於諸佛乞食闍梨執頭

陀

梵語杜多叢林梵言貧婆寶坊寺鹿苑在羅李

道

初轉驚嶺耆闍窟山捷椎磬寒林即西域南無

法

輪處驚嶺中佛居之捷椎磬寒林即西域南無

歸越伽陀誦毗尼律
若愚惛槃無修多羅經
之義伽陀誦毗尼律

栗多底栗車畜羯磨陀事
宰堵波噴摩訶薩
能救人底栗車畜羯磨陀事

度人波演那院須善提老
優曇華鉢名阿蘭若
度人波演那院須善提老

波羅密到彼岸也佛地謂之彼岸
毗盧遮那
波羅密到彼岸也佛地謂之彼岸

種種光三法門玄玄中玄
架染梵音迦羅沙或
種種光三法門玄玄中玄

方添衣又名無垢本又各忍辱鎧
又名消瘦衣又
方添衣又名無垢本又各忍辱鎧

名離塵服演繁露云唐會要吐蕃
官章飾有五等
名離塵服演繁露云唐會要吐蕃

一寸得二金三以金飾銀四銀五
熱銅各以方圓
一寸得二金三以金飾銀四銀五

紫者當骨有環環中著鏤橫紐
上下牙角銀銅隨
紫者當骨有環環中著鏤橫紐

菩薩梵語菩提此云覺
梵語菩薩埤此云有情欲簡
菩薩梵語菩提此云覺

為稱呼故言菩薩此云覺有情也

七能 傳燈錄云嵩神謂元珪曰我神通亞佛師曰

汝神通十句五能五不能佛則十句七能三不能

神悚然曰可得聞乎師曰汝能挨上帝東天行而

西七耀乎曰不能曰汝能奪地祇融五嶽而結四

海乎曰不能

曰是謂五不能佛能空一切相成萬

有情而不能盡衆生界佛能知群有性而窮億劫

事而不能化導無緣是為三不能也

稱釋 高僧傳曰出家從師命氏晉道安受業佛圖

澄澄姓帛氏安以師莫過佛遂以釋為姓僧之稱

釋自道安始也

僧錄 後魏太祖以法果為統管隋文帝以師賢為

僧統後秦姚萇立道登為僧正秩同侍郎法欽慧
斌掌僧錄給事唐罷統立兩司于京邑謂之僧錄
國朝在京屬禮部曰僧錄司在外屬府曰僧綱司
州曰僧正司縣曰僧會司

僧官 隋文帝以沙門彥崇為翻經館學士後始命
僧以官唐以不空為開府儀同三司試鴻臚卿宋
太祖加霽朝散大夫階太宗加法賢試光祿卿階
國朝僧錄司左右善世正六品左右闡教從六品
左右講經正八品左右覺義從八品僧綱司都綱
從九品副都綱僧正司僧正僧會司僧會未入流

又梁武造寺令蕭子雲飛帛大書蕭字今人稱蕭齋蕭寺誤矣

僧號 後秦鳩摩羅什始號法師其後中國名僧亦稱之晉朝講經草堂寺有朝臣大德沙門千餘人始有大德之呼後趙石虎號佛圖澄曰大和尚此稱和尚之始也晉初鳩摩羅炎東渡龜茲王請爲國師姚興迎羅什待以國師此稱國師之始也唐中宗號萬迴爲法靈公姚秦號羅什爲大師此稱大師之始也

僧封 洪明集曰元魏封法果輔國宜城子加忠信侯安城公唐封不空肅國公僧之得封自後魏太

祖始也

僧贈 元魏法果卒贈老壽將軍趙胡靈公此其始也唐亦贈不空司空

僧謚 洪明集曰後魏太祖時法果卒謚趙胡靈公

此僧賜謚之始也宋咸平中賜法賢謚慧辦法天

謚元覺施護謚明悟祥符中又詔謚誌公真覺大

師宜加爲道林真覺大師詔泗洲僧伽大師宜加

爲普照明覺大師又唐代宗大曆十年興善寺胡僧不空卒贈開府儀同三司司

空謚曰大辨正廣智不空三藏和尚

賜紫 唐武后以僧法朗譯大雲經陳符命皆賜紫

架柴僧之賜紫自武后始也

僧褐 漢魏之世出家者多著赤布僧迦梨又秣陵諸僧衣色倣西竺後周忌聞黑衣之讖悉易黑色着黃色衣其僧衣褐起于宇文周制

僧隸 唐武后勅天下僧尼隸祠部轄僧之始也

僧帳 唐會要曰舊制僧尼簿三年一造其籍一本送祠部一本留州縣又開元十七年勅僧尼宜依

十六年舊籍則僧尼供帳始于此耳

宋用周顯德事三年一造

帳定著為令 大明會典洪武五年給僧道度牒令僧錄道錄司造周知冊頒行天下寺觀凡遇僧道即與對冊其父兄貫籍告度月日如有不同為偽冒

度牒

唐明皇始制僧尼令祠部給牒至肅宗以用

度不充諸道得召人納錢給空名度僧道會典

僧道度牒

欽依三年一出給仍要各司考試能

通經典者

中送到部具奏出給

譯經

漢自摩騰首譯四十二章經歷魏晉南北朝

皆有翻經館唐置譯經潤文之官元和後廢太宗復置譯經院

筆受

唐世翻譯有筆受官以朝臣爲之佛陀多羅

之譯圓覺經也房融爲筆受是矣宋太宗譯經院成始用梵僧譯經梵學筆受二人譯經綴文二人

證義八人其後以惟淨爲梵學筆受自此其始也
談禪 寶林曰佛涅槃時告迦葉曰吾清淨法服以
付汝迦葉傳阿難二十八代至達摩梁普通年自
南天竺泛海至廣州後至崇山住少林寺傳惠可
中國談禪自此始也

禪宗 禪學自達摩入中原世傳一人凡五傳至慧
能通謂之祖慧能傳行思懷讓行思之後有良价
號洞下宗又有文偃號雲門宗又有文益號法眼
宗懷讓之後有靈祐慧寂號爲仰宗

又有義玄號
臨濟宗五宗

學徒徧于海內迄數百餘
濟雲門洞下日愈益盛

禪法 禪者定慧之通稱明心達理之趨也達磨觀
此上機緣繁紊乃曰不立文字者恐其執文滯相
也直指人心乃見性成佛者明其頓了無生也見
要覽

讚唄 僧史畧曰讚唄原始按十誦律中俱胝耳作
三契聲以讚佛後趙石勒時建中神降安邑諷詠
經音七日方絕僧有摹寫爲梵唄焉

戒律 僧史畧曰漢靈帝時安世高首出義決律一
卷次有比丘諸禁律魏世天竺三載曇摩迦羅到
許洛慨魏境僧無律範遂于嘉平中興雲諦譯四

分羯摩及僧祇戒心圖此中國戒律之始也

戒壇 僧史畧云漢魏之僧雖剃染而戒法未備唯

受三歸嘉平中既傳戒律立大僧羯摩法盖比丘

立戒壇之始也中國之人受戒又自魏朱士行始

和尚 和有六和尚有高尚六和一戒和同修二見

和同解三身和同注四利和同均五和和無爭六

意和同俗盖以和為之故云和尚又千里相聚曰和父母反拜曰

尚

正法眼藏 一祖摩訶迦葉尊者周懿王四年 二祖阿難

尊者周定王二十二年 三祖那和修尊者周宣王二十三年 四祖優波迦

多尊者

周平三

五提多迦尊者

周莊五

六彌遮迦尊者

周襄十七

七婆須密多尊者

周定十六

八佛陀羅

周景十二

九

伏馱密多

周考二十三年

十脇尊者

真定二十三年

十一富那夜

奢

周安十四

十二馬鳴大士

周顯王二十七

十三迦毗摩羅

周張

十四

龍樹大王

王十四

秦始皇

三十五

十五迦那提婆

漢文後元

元

十六羅睺羅多

漢武帝元

十七僧迦耶提

昭帝始江

元

十八迦耶舍多

武帝永始元年

十九鳩摩羅多

居攝元年

二十闍夜多

永平十七

二十一婆修盤頭

明帝永平

二十二

摩拏多

建利九年

二十三鶴勒那比丘

建安十年

二十四獅

子尊

正始元年

二十五中印度婆舍斯多

大寧三

二十六

東印度不如密多

大元十三

二十七般若多羅

孝武大明八

二十八菩提達摩大師

梁武大通元年

二十九慧可大師

後周武定三

三十祖璨大師

隋文仁壽三

三十一道信大師

貞觀十八

三十二弘忍大師

唐高宗咸平三

三十三惠能大師

高宗儀鳳三

共一千一百六十一年至曹溪

尼

僧史畧云漢明帝聽洛陽婦女阿潘等出家此

中國有尼之始也東晉何充始捨宅安尼此尼寺

之起也受戒初本僧尼同壇宋太祖不許尼徃僧

中自是尼始別立受戒壇又宋元嘉十一年獅子

國尼鉢索羅等為景福寺尼惠果受戒法事方尼

受戒自惠果始也

東晉廢帝大和三年洛陽東寺尼道馨通法華維摩研窮理味

一方宗師此尼講說之始也又即婆斯迦梵語云女聲字也一云優婆夷一云尼見要覽又式又摩

那梵語也此云學法女似今之尼長髮也大明和尚卒弟子尼無染命僧靈興為行狀求柳子厚為

文此比丘尼立碑之始也唐鄭能記廣中僧有室家者謂之火宅僧清異錄京師大相國寺僧有妻

曰梵

披剃

法融禪師少通經史歎曰儒道世典非究竟

法般若正觀出世舟航遂投師落髮入牛頭山有

百鳥銜花之異出傳燈錄又覆以慚愧之衣落其

煩惱之髮見類要

圓寂

古靈館遷化告衆曰汝等諸人還識無聲三

昧否衆曰不識師曰汝等靜聽師儼然而寂

又茶昆一

云耶維一云閻毗一云閻維梵云閻鼻多此言焚燒也天竺第九祖入滅衆以香油旃檀閻維真体

閻維即茶毗也

說偈 釋迦傳法與迦葉說無常偈曰諸行無常是

生滅法生滅滅已寂滅爲樂香薪茶毗之後得舍

利八斛四斗世尊滅後一千十七年永平中教至

中夏又世尊臨入涅槃文殊大士請佛再轉法輪

世尊咄曰文殊吾四十九年住世未曾說一字汝請吾再轉法輪是吾曾轉法輪邪第二

祖阿難始為五百仙人說法後遂有偈

滅度 世尊於涅槃會上以手摩胷告衆曰汝等善

觀吾紫磨金色之身瞻仰取足勿令後悔若謂吾
滅度非吾弟子若謂吾不滅度亦非吾弟子時百
萬億衆悉皆契悟

付法 世尊至多子塔前命摩訶迦葉分座令坐以
僧伽黎圍之遂告曰吾以正法眼藏密付於汝汝
當護持傳付將來

浴佛 四月八日佛生十大禪院有浴佛齋乃煎香
藥糖米相遺謂之浴佛水

水陸齋 梁武帝夢僧教設水陸齋覺而求其儀世
無其說因自撰集銓次既成設之于金山

結制 四月十五日天下僧尼就禪刹掛搭謂之結

夏又謂之結制蓋夏乃長養之節在外行恐傷草

木蟲類故九十日安居至七月十五日散去謂之

解夏又謂之解制

餘冬錄云今之僧尼誠牒智黑

度之法也中國以月晦為一月而天竺以月滿為

謂之黑月又十二月所建各以所宜二八月宿名

之如中國建寅之類是也故夏三月自三月十六

日至五月十六日為額沙茶月即鬼宿之星名也

即柳星名也自六月十六日至七月十五日謂之

婆羅達鉢陀月即翼星也黑月十四日或十五日

以二十日小故也中國節氣與印度遞爭半月中國

之十六日乃印度初一日也結夏宜如西域用四

月十六日蓋屬迦瑟吒月乃印度四月之盡日也

道靈寶真一自然經訣曰大道者不可彊名也彊

名曰大彊字曰道太玄真一本際經曰無宗無上

而獨能為萬物之始故名元始運道一切為極尊

而常處二清出諸天上故稱天尊本行經曰道言

元始天尊以我因緣之勲故號高上秘要經太清

九品皆有僚屬其最高者稱大皇紫皇玉皇稱總

曰道君次稱真人真卿其間有御史凡稱太上者

一宮之尊也德高無喻故曰太上太上老君姓李名耳字伯陽其

母見日精飛入口中因有娠七十二歲於陳國渦

水李樹下剖左腋而生形長一丈二尺齒有四十八受元君神圖寶章變化之方及還丹伏火水汞液金之術凡七十二篇為道之祖詳見尹喜傳漢

卷之三十一
帝
桓帝始親祀于濯龍宮用郊天樂唐高宗始追號
太上玄元皇帝宋真宗加號太上老混元上德皇

道教 後魏釋老志其爲教也蠲去邪累澡雪心神
積行立功累德增善乃有白日昇天長生世上又
有三元九府百二十官一切諸神咸所統攝焉又
漢曹參始薦蓋公能言黃老文帝宗之自是相傳
道教衆矣見隋志

道經 東溪日談錄云道經之初立老子道德經五
千言而已安有齋醮科儀符籙召神服氣辟穀調
食玉屑燒煉金丹之術哉其法起於漢張道陵魏寇謙之唐陶弘景葛稚

川杜光庭宋徽宗王欽
若又撰爲諸家經呪

道士 太霄琅書經曰人行大道號曰道士士者何

理也事也身心順理唯道是從從道爲事故稱道
士樓觀本記曰周穆王尚神仙因尹真人草創樓
觀遂召幽逸之人置爲道士又曰平王東遷洛邑
又置道士七人漢明帝永平五年置三十七人晉
惠帝度四十九人給戶三百後魏武帝爲九州置
壇又度三十五人文帝幸雍謁陳熾法師置道士
五十人三洞道科曰道士有五一天真道士高玄
皇人之流也二神仙道士杜冲尹軌之例也三山

居道士許由巢父之比也四出家道士宋倫彭謨
之匹也五在家道士黃瓊錢鏗之倫也陸法師曰
凡道士道德爲父神明爲母清淨爲師太和爲友
大戒三百以杜未兆之禍威儀二千以興自然之
福

女道士 庚寅九月九日甲辰元始於上清宮告盟
授三元玉檢使付後學有玄名應爲上清真人者
乃度爲女道士放歸南海賜號逍遙

觀 周穆王尚神仙召尹軌杜冲居終南山尹真人
草樓之所因號樓觀蓋道觀之始也隋煬帝改爲

玄壇後復曰觀宋或曰館或曰宮又玉清宮高上
玉皇出入處也見玉清經又有玉戶瓊門太極紫
宮文龜洞室等皆上真所棲

真人 仙道有十二試皆意之所不悟皆太極真人
臨見之也試皆過授以真經青鳥公積四百七十
二歲十二試之有三不過太極道君以爲仙人不
得爲真人又列子號冲靈真人莊子南華真人文
子通玄真人庚桑子洞靈真人其書各從其號爲
真經俱李林甫奏

天師 列子云黃帝稱牧馬童子曰天師元魏世祖

賜寇謙之天師之號後漢張道陵亦有天師之稱

國朝太祖謂至尊者天豈有師也改天師為真

人乃號正一嗣教道合無為闡祖光範真人領道

教事秩正二品今降為提點秩正六品危言云始

道陵即張陵也同時張角行天師道持九節杖以

符水飲病人陵法畧與角同加三官病者家出五

斗米故號曰五斗米師角族戚而陵在蜀幸不敗

傳至子衡孫魯遂據巴漢垂三十年曹操破之始

請降封侯萬戶五子皆侯唐宋間世掌道教繡王

繡傳與宣聖之裔相終始寵幸過之元世尊為正

一教主天師南劍太守林積送天師子獄中奏云

其子乃漢賊不宜使子孫襲封又四十二代孫正

常太乙泉事見餘冬錄

元君 男之高仙曰真人女曰元君西王母金女也

姓綏氏女子登仙得道者咸隸焉樊夫人劉綱妻也葛綠華女仙也九華真妃李夫人少女也大上賜姓安名鬱嬪字靈蕭南嶽夫人晉司徒魏舒之女劉幼彥之妻也雲林夫人王媚蘭王母第十三女紫微夫人王清娥王母第二十女九疑山女羅郁也餘詳真誥

道錄 隋文帝始以玄都觀主王延爲威儀唐置左右街威儀後周避諱改爲道錄宋因之增副道錄都監首座通舊爲八貲天禧中又置首座鑒義分領本街事 國朝在京屬禮部曰道錄司在外屬

府曰道紀州曰道正縣曰道會

道官 唐高宗以葉靜能入直翰林爲國子祭酒玄

宗授葉法善銀青光祿大夫鴻臚卿宋太祖賜馬

志通議大夫 國朝道錄司左右正一正六品左

右演法從六品左右至靈正八品左右玄義從八

品道紀司都紀從九品副都紀道正司道正道會

司道會俱未入流在京屬太常寺神樂觀提點在

外大岳太和山太嶽太和宮玄天王虛宮遇真宮

清微宮淨樂宮興聖五龍宮大聖南岩宮太玄紫

霄宮提點俱正六品句容縣三茅山元符宮華陽

洞閣皂山萬壽崇真宮靈官俱正八副靈官從八道封後周武帝時衛元嵩封蜀郡公唐玄宗封葉法善越國公此道士受封之始又葉法善贈金紫光祿大夫越州都督又陶弘景死梁贈謚正白先生又李泌賜紫衣此道士贈謚服紫之始也

道衣 襦者短衫也褐者裾垂至地師古曰褐制若裘今道士所服者是也裘即如今之道服也斜領交裾與今長背子畧同至其用以襯籍公裳則制全是中單也御覽云褐者長裾通冒其外衣也老子去周左慈在魏並葛巾單裾不着褐見演繁露

養和 李泌訪隱選異采怪木蟠枝以隱皆號曰養和人至今效之見廣雅

道印 宋天禧元年詔內出聖祖神化金寶牌分給在京宮觀及外州名山聖迹之處面文曰玉清昭應宮成天尊萬壽背文曰永鎮福地諸郡道正副掌之 國朝道官入流銅方印未入流銅條記篆本衙門字文

符籙 黃帝出軍決曰帝討蚩尤夢西王母遣人以符授之帝寤立壇而請有玄龜啣符從水中出置之壇中自是始有符籙云

醮壇

古醮壇在野今于屋下從簡也記云壇而不

屋

香燈

自漢武帝祀太一始又齋戒以定身心之業

太上經曰思神鍊氣習法進階名之爲齋

位牌

古宗廟木主社稷石主今位牌倣此

符簡

古召命以竹片爲符節今黃紙代竹人形符

象使者

步虛

古祭祀歌樂章或歌毛詩今法事長吟本此

章表

古祭祀有祝版後世用紙今盛奏方函代版

匣也

法決 古者桃枝榘除不祥后羿死于桃棒故後世
逐鬼用之今天蓬尺其類也

霞帔 實賓錄云唐睿宗召司馬承禎問道遂賜絳
霞紅帔以還公卿賦詩送之今世謂霞帔始此見
演繁露

手鑪 古灌獻之禮用圭瓚瓚形如盤柄象圭盛酒
此中執瓚則不執圭今道士執乎鑪則不執簡亦
此意也

鋪燈 道法畫地爲獄以米爲界後世鋪燈用米亦
此

令牌 周禮牙璋以起軍旅漢銅虎符上圓下方刻

五牙文若垂露狀背文作一坐虎銘其傍曰如古

牙璋作虎符今召將用令牌此法也以上並見援神契按御覽

載道冠幘帔裼襦袍裘衣佩綬板笏笏帶鈴杖節履

鳥帷帳席簡章几案輿輦闕殿堂臺閣樓觀宮室

房舍窓戶門庭墮府其倫皆本道經以其汎濫不載禁妻 前此道士皆有妻室至宋太祖始與僧同禁

仕宦 卮言云先爲道士者唐魏徵盧程先仕宦者

賀知章又鄭銑郭僊舟以獻詩罷官度爲道士先

爲僧而蓄髮仕宦者湯惠休賈島蔡京先仕宦而

削髮爲僧者劉勰劉之遴張纘饒德操皆名士也

鰲即著文心雕龍者法名慧地爲僧爲道而舉進士者唐劉軻前後仕宦而中爲道人者梁伏挺爲行者唐徐安貞由僧徑拜大位者唐懷義元劉秉忠明姚廣孝由道士徑拜大位者唐于什方葉靜能鄭普思尹懌明邵元吉陶仲文

大劫 十方三世所有一切世界皆悉具四種相劫謂成住壞空成而即住住而續壞壞而復空空而又成連環無端八十轉轡結筭一十三萬四千四百萬年爲始終之極數所謂一大劫也

世界 一日月周行四天下光明所照是爲一世界

如是千世界中有千日月千須彌山王四千天下
四千大海四千惡道千閻羅王千四天王千忉利
天至千梵天是爲小千世界爾所小千世界是爲
中千世界爾所中千世界是爲三千大千世界如
是世界周匝成壞衆生所居一名佛刹

浮提 須彌山東天下名東弗于人壽三百西名西
瞿耶尼人壽三百南名南閻浮提人壽百歲北名
北鬱單人壽千歲長倍三天下人間浮提今中國
四夷皆是也中國稱震旦又稱人國則自天竺名
爲閻浮提之一也

卮言云老子在天皇時爲通玄天師地皇時爲有
古先生人皇時爲盤古先生伏羲時爲鬱華子神
農時爲大成子祝融時爲廣壽子黃帝時爲廣成
子帝嚳時爲錄圖子帝堯時爲務成子帝舜時爲
尹壽子夏禹時爲真行子商湯時爲錫則子後以
商王湯甲十八年降胎至武丁九年生在周西伯
時爲藏史號燮邑子武王時爲柱下史號有成子
成王時爲經成子康王時爲郭叔子西出關自流
沙還授禮於孔子在天以玉景大道君爲師在人
門以常樞爲師老子生登行九步步步生蓮花左手

指天右手指地曰天上天下唯道爲尊釋迦生時
登行七步一手指天一手指地曰天上地下唯我
爲尊不應相同如此 老子一名李耳字伯陽二
名雅字伯宗三名忠字伯光四名石字孟公五名
重字子文六名定字元陽七名元字伯始八名顯
字元生九名德字伯文老子身九變有七十二相
八十一好七十二相者頭圓伏晨蟠起玉枕穹窿
皓髮如鶴長七尺餘眉有北斗其色翠綠其間紫
毛長五寸餘虎髭龍髯素潔如絲耳無輪郭中有
三漏高坪於頂厚而且堅兩目日光方瞳綠筋鼻

有雙柱形如截筒口方如海唇赤如丹氣有紫色
其香如蘭齒如編貝其堅如銀數有六八上下均
平舌長且廣形如錦文玉泉充溢其味其香每發
妙言聲如金玉顴高而起頤方若矩日角月圓金
容玉姿龍顏肅肅鳳視閑閑額有兗象參午上達
天庭平坦金匱光盈腹有白痣頤有玉丸項有三
約鶴素昂昂垂臂過膝手握十文其指纖長爪有
玉甲身有綠毛胸有偃骨背貝河魁臍深寸餘腹
軟如綿心有錢文腹有玄痣眼有輪文足趾二趾
指有乾坤身長丈二徧體芳香面方而澤上下三

停身如金剛貌若琉璃行如虎步動若龍趨此其
相也左扶青龍右據白虎前導朱雀後從玄武頭
蔭紫文足履蓮花頂負兩景五明曜日身有圓象
洞照九天兼前仙相光色奇妍總八十一謂之好
也見法輪經老子史畧般若經如來三十二相

足下有平滿相猶如奩底地雖高下隨足所蹈坦
然等觸第一足下千輻輪文輞轂衆相無不圓滿
第二手足並皆柔軟如兜羅綿第三兩足一一指
間猶如鴈王鞞網交絡文同綺畫第四手足諸指
圓滿纖長可愛第五足跟廣長圓滿與趺相稱第

六足趺脩高光滿與跟相稱第七雙腩漸次纖圓
如鹿王腩第八雙臂平立摩膝如象王鼻第九陰
相勢鋒藏密猶龍馬第十毛孔各一毛生糾青宛
轉第十一髮毛端皆上靡右旋宛轉第十二身虛
細薄滑潤垢水不住第十三身皮金色晃耀諸寶
莊嚴第十四兩足兩掌中頸雙肩七處充滿第十
五有項圓滿殊妙第十六膊腋悉皆充實第十七
容儀洪滿端直第十八身相脩廣端嚴第十九體
相量等圓滿如諾瞿陀第二十領臆并身上半威
容廣大如師子王第二十一常光面各一尋二十

二齒相四十齊平淨密根深白逾珂雪二十三
牙鮮白鋒利二十四常得味中上味二十五舌相
薄淨廣長能覆面輪至耳髮際二十六梵音詞韻和雅隨衆
多少無不等分二十七眼曉猶若牛王紺青齊整
二十八眼晴紺青鮮白紅環間節皎潔分明二十
九面輪猶滿月眉相皎潔如天帝弓第三十眉間
有白毫相柔軟如絲白逾珂雪三十一頂上烏髮
膩次高顯隆圓猶如天蓋三十二

疆識畧三十七卷終

彊識畧三十八卷

崇陽吳楚材國賢編

弟楚楚易國元詩國平全校

神僊部

七變 真誥云大洞者神仙也別有三山三山有七
宮七宮有七變朝化為金日中化為銀暮化為銅
夜化為光或化為山為水為石謂之七變有七經
有二十一童子隨之故曰大洞真經讀萬過即得
真仙誥餘冬序錄云世人學長生者莫不祖黃老
而稱長生有道術者莫不歸神仙然則神仙之事
是盡黃老之道乎軒轅功繼開闢若鑄丹煉丹騎

龍升天傳記荒唐周柱下史孔子問禮焉尹喜函
谷所遇不知即其人否夫子刪書上不及三皇而
易稱黃帝堯舜至莊周乃載皇帝問道崆峒之事
黃帝書若內外經太素明堂等篇以養性怡生爲
旨先儒疑周秦間人作蓋長生實其說之所自出
今道家有全真教以老氏爲宗師又有正一教按
老氏書止五千言今道家經典託名太上凡數十
種皆其徒所爲也

胎息 能不以鼻口嚥吸如在胞胎中初學行氣鼻
中引氣皆不欲令自耳聞其氣出入之聲常令入

多出少以鴻毛著鼻口之上吐氣而還一日矣

尸解

夫尸解者本真之鍊蛻也五屬之隱適也雖

仙品之下第其稟受亦不輕凡今之人死必視其形如生乃尸解也足不青皮不皺亦尸解也目光不毀頭髮不脫不失其形骨者皆尸解也有未歛而失尸者有人形猶在而無復骨者有衣在形去者有髮脫而形去者白日去謂之上尸解夜半去謂之下尸解向曉暮之際謂之地下主得真仙誥劍解制劍之法上宰惣真西域王君昔授於紫陽公施行道成惣真昔用劍解之道即周人也見御

覽付者亦是受而不用神劍用之而解化則能遊宴太極故軒轅喬山之塋劍鳥在焉王子渤海之家劍鳴空擲王喬有陵之墓劍飛冲霄諸以尸解者以劍代身也

姹女 參同契云河上姹女得火則飛注云河上則真汞也又云姹女隱在丹砂中注姹女汞也

河車 蓬萊傳云河車是水朱雀是火取水一斗鎔中以火炙之百沸致聖石九兩其中初成姹女次謂之玉液後成紫色謂之紫河車

白色曰白河車
青色曰青河車

赤色曰赤河
車亦名黃芽

調息 東坡云人之生死未有不自坎離者坎離交則生分則死離爲心坎爲腎龍者汞也精也血也出於腎而肝藏之坎之物也虎者鉛也氣也力也出於心而肺主之離之物也不學道者其龍常出於水龍飛而汞輕其虎常出於火故虎走而鉛枯故真人曰龍從火裏出虎向水中生人能正坐瞑目調息以久爲功則丹田濕而水上行翕然如雲蒸于泥丸火爲水妃熱必從之則所謂龍從火裏出也龍出于火則龍不飛而汞不乾旬日之外腦滿而腰足輕常捲舌上舐懸癰久則汞下入口嚥

送至丹田久則化為鈆此所謂虎向水中生也

養生 太平經曰養生之道安身養氣不欲喜怒也

人無憂故自壽也真一經云耳為帝君之聽門目者太乙之日月鼻者三元之丘

山口者絳宮之朱源眉者日之華蓋髮者明堂之靈精舌者元英之龍轅齒者胃宮之感力手者

瞻神之外接足者腎元之靈關陰極者洞房之真機也

導引 食草木之藥不知房中之法及行氣導引服

藥無益也若至意感靈亦不須草木之藥若但知

房中及導引不知神丹之法亦不得仙也若得神

丹立便仙矣

真形 西王母與上元夫人降漢武帝殿帝視箱中

有小書乞瞻覽母曰此五嶽真形圖也乃三天太上所出豈汝所宜佩乎帝乞不已母遂與帝藏之柏梁臺

靈飛 上元夫人與王母既會武帝謂曰阿母發五嶽真形雖覩妙理而無六甲靈飛之符太陰六丁玉女之籙太陽六戊之書左乙東象之文右庚攝殺之律壬癸六道隱形之術丙丁之火九赤班符六辛月華之法六巳化形之方八廩十訣長生紫書內視中方凡十二事何以總攝萬精驅百鬼帝曰願賜指教夫人即命侍女出六甲十二事來授

王母曰若汝修善後三十年當告汝要道而帝淫色殺伐不休不從王母上元夫人之戒二真遂不復來太初二年柏梁臺災真形圖與六甲靈飛十二事並燒

崑崙 司馬相如傳注崑崙山去中國五萬里廣袤萬里高八萬仞層城九重面有九井以玉爲檻旁有五門天帝之下都也

養生家引崑崙蓋指心元非直謂崑崙也詳見內經

方諸 天仙上真之宮室也高九千丈有大方諸小方諸大方諸對會稽東南七萬里小方諸之上多有奉佛者人皆服五星精讀夏歸藏經用以飛行

陽燧取火方諸
取水喻心腎早

陰陽 乾三索而天交于地乃生三陽坤三索而地
交于天乃生三陰陽中藏陰乃曰真陰真陰到天
因陽而生陰中藏陽乃曰真陽真陽到地因陰而
發交合得道自然長久

日月 月受日魂以陽變陰陰極陽純月華瑩淨脩
煉到此積氣成神又一心自有五行一日自有四
時大抵陰陽相推而已到底陰盡而皆陽

水火龍虎 身中有君火臣火民火真火出於水中
真水生於火中腎水中氣名曰真火心火也火中

生液名曰真水以水生木腎氣足而肝氣生以絕
腎之餘陰而氣過肝時即為純陽藏真一之水恍
惚名真龍以火尅金心液盛而肺液生以絕心之
餘陽而液到肺即為純陰藏正陽之氣杳冥名真
虎氣中取水水中取氣日得黍大歸於黃庭此大
丹也

抽添 冬至後陽升於地地抽其陰太陰抽而為厥
陰少陽添而為陽明厥陰抽而為少陰陽明添而
為太陽夏至後陰降于天天抽其陽太陽抽而為
陽明少陰添而為厥陰陽明抽而為少陽厥陰添

而爲太陰又如日月月受日魄一日受月魄前十五
日月抽其魄而日添其魂精華已滿光照下土不
然無初生而變上弦上弦而變月望也月還陰魄
日收陽精後十五日抽其魄而月添其魄光照已
謝陰魄已定不然無月望而變下弦下弦而變晦
朔也日月往復而變九六此抽添之象也並見呂
真人本傳

服餌 神農經上藥令人身安命延又云餌五芝丹
砂空青雲母太一禹餘糧各以單服令人長生中
藥養性下藥除病又可以却粒謂之養性又仙經

云丹爲金服之上士也茹芝導引咽氣者中士也

食餌草木者下士也

王鈴經云欲求仙者要當以忠孝和順仁信爲本若德不

修而但務方術雖服仙藥無益

兩塵 帝子威師事丁約一日辭去謂子威曰郎君

得道尚隔兩塵儒謂之世釋謂之劫道謂之塵也

木公 一云東王父又云東王公蓋青陽元氣也西

王母亦云金母皆稱王者謂天尊之地也王母居

崑崙之圃閬風之苑有城千里玉樓十二左帶瑤

池右環翠水昔道氣無爲自然先以東華至真之

氣化生木公以主陽和男子得道者名隸焉

又以西華

至妙之氣化生金母養群
品女子得道者名隸焉

彭祖 錢鏗顓頊玄孫帝嚳時吳回第三子商時爲

侯伯至殷之末世已七百餘歲而不衰凡四十九
妻五十二子好恬靜善補道以養神治生爲事

尹喜 無上真人周大夫爲關令尹仰觀乾象見東
方有紫氣西邁乃勅吏若有翁乘青牛薄板車者
勿聽過老君乃以昭王二十三年癸丑五月壬午

至強爲著道德經
二篇喜與俱去

鍾離權 雲房先生得黃帝金丹秘訣於崆峒山遂

終妙道漢代四月十五日生晉朝五月二十日上

昇

葛洪 字稚川句容人晉咸和初聞交趾出丹砂求
爲勾漏令止羅浮山煉丹著抱樸子內外一百十
六篇

李筌 達觀子得黃帝陰符入秦至驪山逢老嫖絕
粒有將畧作太白陰經十卷又著中台志十卷

張道陵 字輔漢沛豐邑人九世祖良至漢建武十
年正月十五夜陵生于天目山後修九真之法還
鶴鳴山受三五都功經錄登青城山分人鬼定三
十六清廬七十二福地三百六十名山品秩各置

神司之後奉太上玉冊勅命爲六合無窮高明大帝既而封爲天師

許遜 太史真君世居許昌許由之後也初爲蜀旌陽令後遇五劍僊卒獲神劍之用斬蛟事最著

呂巖 字洞賓河中永樂縣人貞元十四年四月十四日巳時生後遊廬山遇火龍真人傳天遁劍法號純陽子咸通中舉進士後遇雲房求度世術雲房十試洞賓皆過久之乃告以黃庭大丹十魔九難衣食逼迫一難也恩榮牽纏二難也利名縈絆三難也災患橫生四難也有師約束五難也議論

差別六難也志意懈怠七難也歲月蹉跎八難也
時世亂離九難也一六賊魔二富貴魔三六情魔
四恩愛魔五患難魔六神佛爲害是聖賢魔七刀
兵魔八女樂魔九女色魔十貨利魔最後受靈寶
經三部靈丹數粒至今浮沉濁世行化度人

韓湘 字清夫韓文公姪子世傳藍關雪擁逡巡酒
頃刻花湘別公詩他時定是飛昇去衝破秋空一
點青

譚峭 字景升得辟穀養氣之術以酒爲樂丹成入
水不濡入火不灼嘗作化書南唐宋齊丘竊爲已

作

藍采和 常衣破藍衫一脚着靴一脚跣行持大拍
板長三尺餘振鞋踏歌曰踏踏歌藍采和世界能
幾何紅顏一春樹流年一擲梭古人混混去不返
今人紛紛來更多朝驂鸞鳳到碧落暮見桑田生
白波長景明輝在空際金銀宮闕空嵯峨

何仙姑 廣州增城縣何泰之女唐天后時年十四
五夢神人教食雲母粉輕身不死往來山頂其行
如飛

陳搏 字圖南號扶搖子亳州真源人後七十餘歲

居華山古雲臺觀基常閉門卧累月不起宋太祖

太宗再召對語具宋史賜號希夷先生今華山有

希夷峽

端拱元年十月二十二日化形蓮花峯下張超谷中左手支頤而終年一百一十八歲

劉玄英 字宗成號海蟾子明經擢第遇正陽子棄

官學道後撮襟書龜鶴齊壽四字題云廣陵閑民

劉某書

司馬承禎 張用成 馬自然 石泰 薛道光

陳楠 白玉蟾 彭耜 朱橘 王嘉 馬鈺

譚處端 劉處玄 丘處機 郝大通 王處一

王喬 莫月鼎 趙元陽 周玄初 王弼已

俱據左編不能詳錄
且不專為神仙也

真武 卮言云今天下所最崇重者太嶽太和山真

武及岱嶽碧霞元君當永樂中建真武廟於太和
幾竭 天子之府庫設大璫及藩司守之而二廟

歲入香銀亦以萬計每至春時中國焚香者傾動

郡邑真武號百字有混元六天傳法教主脩真悟

道濟度群迷普為衆生消除災障八十二化三教

祖師大慈大悲救苦救難三元都總管九天遊奕

使左天罡北極右元大將軍鎮天助順真武靈應

福德衍慶仁慈真烈顯佑真君治世福神玉虛師

相玄天上帝金闕化身蕩魔天尊叙其得道之由
以爲在此山然大畧掇拾佛氏修行之跡而已真
武蓋北方玄武之神以避宋宣祖諱故名真武龜
蛇亦取北方像耳而加以大將軍號又碧霞元
君者其說起于華山上有小石池水冬夏不涸因
名之曰玉女洗頭盆附會者因謂玉女爲王母弟
三女又轉訛而爲太山至使嶽宗之神降若侍衛
者俱可咲也且以西嶽之神而據東嶽位以北方
之神而據西南方位其事若符契鑿
所謂有其人則
有其神信哉

靈濟

永樂中夢二神人言南處海濱來輔家國明

日禮官言閩中靈濟二真君事遂遣使函香請神像於宮城西南作靈濟宮祀之英宗初加封九

天金闕明道達德大僊顯靈普濟清微洞玄冲虛

妙感慈惠護國庇民崇福洪恩真君九天王闕宣

化扶教上僊昭靈博濟高明弘靜冲湛妙應仁惠

輔國佑民降福洪恩真君

按二神皆南唐義祖之子一名知證封江王一

名知諱封饒王卮言生既無功德于民死又無德

災捍患之跡而禮崇聖朝爵亞上帝不亦負

乘之至幸者乎

關王 漢壽亭侯關壯繆初不聞爲神至宋崇寧時

以破蚩尤復鹽池見靈遂封爲崇寧真君今香火

徧天下兒童婦女皆知崇重洪武戊寅勅諭齊

護國大將軍檢校尚書守節度使燕山東河北四

門關鎮都招討使提調天下諸神巡察中書門下

平正使開府議同三司金紫光祿大夫駕前都統

軍漢壽亭侯義勇武安英濟王崇寧護國真君

萬人之勇三國之雄氣吞淮北威震江東丹顏

震髭鬚飄風獨行之象萬民其崇詢葛錄二郎

神即孟景泰山碧霞元君女像愚民以娘娘稱之

北方稱為奶奶蓋后土神故也

僊經 九轉丹金液經守一訣皆在崑崙五城之內

藏以玉函封以紫泥又道書之重莫過於五嶽真

形圖古之僊官至人尊祕此道非有仙名不授受

之四十年一傳傳之軟血而盟

天僊 飛行雲中神化輕舉亦云飛僊蓬萊方丈在

渤海中常有至者諸仙及靈藥在焉

秘要經云立三百善功可

得存爲地仙居五岳洞府之中

人僊

自古文章之士稱以僊去者理或有之蓋天

地冲美秀特之氣見予獨多生有所自出有所爲

則去有所歸固其宜耳淮南王與八公上昇東方

朔爲華陽洞主司馬季主委羽托化南華冲虛各

備僊職嵇康郭璞並著兵解曹植爲遮須國王蔡

邕爲脩文郎劉楨徐幹王粲俱爲侍中王茂弘爲

尚書令陶隱居爲蓬萊都水大監魏鄭公爲太陽

都錄太監李長吉召賦王樓記杜佑馬總爲六押

大都統白居易爲海山院主韓退之爲真官寇萊
公蔡忠惠俱爲閭浮提王龐籍爲王屋山君韓魏
公爲紫府真人石曼卿爲芙蓉城主王平甫爲靈
芝館仙官蘇子瞻爲奎宿一云紫府押衙劉景文
爲雷部掌事沈文通爲地下曹司杜少陵生前爲
文星典吏及其歿也又與李青蓮輩俱漫游江湖
稱散僊近顧太保鼎臣嘗三寢徐昌穀任第二殿
帝君後陸詹事深將終之夕亦預寢之其事尤奇
怪又覽真誥諸書按孔子爲太極上真公治九幾
山一云廣桑山真君顏回爲明
晨侍郎後爲三天司直一云與卜商俱脩文郎召
公爲南明公張良爲門下侍中張衡楊子雲爲北

方鬼帝治羅鄴山周公為北帝師莊周為太玄博
上嵇康為中央鬼帝治抱犢山屈原為海伯統八
海王弼為立監嚴君平尚在峨眉山鬼谷子為太
玄師治青城山墨翟為太極仙卿郭景純為都錄
司命治雲臺山周顒為鬼官司命季札為北明公
賈誼為西明都禁即以治馬融事不當謫迂太山
司馬和鑒為南門亭長臧洪為北斗天門亭長紀
詹為北天脩門即典虞譚更直守天門頤和為執
蓋即溫太真為監海伯杜預為長史王嘉徐庶何
晏汲浩俱侍帝晨度亮為北太常前中衛大將軍
孔融為後中衛大將軍陶侃為西河侯蔡謨為長
史荀彧為北明公賓友謝幼輿為左副監

聖賢 鬼神中聖者梁成賢者吳季子顏淵卜商為

脩文郎又釋氏謂太昊即應聲大士孔子即儒童
菩薩顏子即光淨菩薩老子即摩訶迦葉道家謂
尹喜為釋迦佛老子遣化蓋其徒相傾之談耳

三官 張角法服罪之人一着山上上之天一埋之地一沈之水謂之三官醜醜洞稿云三官何居豈黃冠所誦天地水三官大帝乎曰然曰然則三龍女所生三元子爲能得道度世而受封天帝者乎曰然曰然則三子生而官天官地官水至神矣而龍王有女雖靈異亦一水族何以能生三大帝而天地且爲所官乎諸父老矍然失色逡巡不能荅予因喻父老曰有之爲學道者設非以倖福也夫羽人三官猶之沙門三寶皆取諸身而寓言之天太陽也地太陰也水則陰之氣陽之精而又能生

天生地生萬物者也故人身一天地而水流行營衛間不盈不息而官之者心也心得其官則天地交水火濟萬物生故能長生久視而無瘡癘疔札人也而神矣稱龍子焉神之也示不可測也稱大帝焉尊之也示不可褻也此三官之所由來也乃黃冠者謂能誦其經當有天官賜福地官赦罪水官解厄得無塗人耳目而使之芻狗其身已乎

觀音

弇州疏觀世音菩提薩埵者苦海之慈航法

王之上佐也聖證久明慈願未滿帶果行因用權成攝歷阿僧祇劫居補位而稱尊徧恒河沙衆咸

現身而說法悲愛如何轉水功德勝須彌山大轉
法輪於我中夏甌甌序圓通大士慧幻人天手目
千分指視無念現身南海五蘊皆空流教中華一
切並度慈悲之戶既闢仁壽之塗旋開超智筏以
先登棄經詮而獨覺茲禪林所以崇妙極而藝苑
因之列
上乘也

仰山 袁州志昔有邑人徐璠舟行至大孤山有二
蕭生云居宜春仰山遂同載而歸至浦東告别期
至石橋相訪後至其處見二龍乃知爲仰山神也
唐會昌初建祠咸通間封秩爲郎宋加王封元符

二年賜祠額爲孚惠 國朝稱大仰山之神二神
一日過山下寡姥家求飯姥具飯甚嚴且謝無葷
神曰予非人實仰山神也姥曰何爲求飯神曰四
方來祭職固當血食但下民之愚有不可求福而
求之者有實可禍而求免者予皆不得而享之是
以有請於姥也

羅漢 程史記龍眠海會圖畧五百大阿羅漢小大
長短老幼妍醜足踏滄海如履坦途蛟蜃龜鮑如
乘安車天龍八部如役僕厮或闖而窺或倚而立
瓶鉢杖拂各有所執或解衣渡水或濯足坐石或

挽或負狀貌迭出以種種形成於一色於一色中
衆妙畢具我聞釋迦文佛既成道已乃於耆闍崛
山集阿羅漢有學無學菩薩摩訶薩次第授記陳
如號曰普明五百阿羅漢

聲聞 辟支佛 菩薩 釋氏所謂三乘也

聲聞者 不能頓悟無生而必待言語見聞漸漸明
了以四諦為本行此聲聞道也 小乘

辟支佛 不假見聞超然獨悟性愛棲禪不樂說法
利人未普自和未圓以十一因緣為本行此辟支
佛道也 中乘

菩薩

不惟自悟又願饒益衆生成等正覺大慈大

悲此菩薩道也 上乘

辟支 四果預流即須陀洹為初果一來即斯陀含

為二果不來即阿那含為三果無生即阿羅漢為

四果自此以上獨覺菩提為辟支佛

自覺覺他為一切菩薩摩

訶薩行因果圓滿為諸佛無上正等菩提

文殊

佛經如觀音大勢至文殊普賢皆久已造佛

境而不肯成佛普賢則廣大修習圓滿未退名未

息願文殊則深入善權廣化衆生故未取道觀世

音於阿彌陀佛滅後咸等正覺號普光功德山王

如來彼佛國土曰衆寶善集莊嚴大勢至繼觀音成佛號善住功德寶王如來至文殊為七佛導師又云過去無鞅數佛皆其弟子成佛之時以恒沙諸佛世比一滴水則諸佛功德未有如文殊者也

彌勒釋迦於諸弟子授記後當成佛至云彌勒發意先我之前四十二劫我於其後乃發道意於此賢劫以大精進超越九劫得於無上正真之道則授記先後又有不可定者釋迦雖先成佛於五濁惡世人壽百歲時彌勒成佛當人壽八萬歲時初會度人九十六億二會九十四億三會九十二億

爾後度人無數

蓋佛無高下功德有大緣與願力所成耳

三清

按道家稱元始天尊居玉清清微天靈寶道

君元始弟子居上清禹餘天太上老君為元始系

子靈寶弟居太清大赤天即化身為老子者也陶

虛白真靈位業圖則謂玉清三元宮上第一中位

元始天尊第二中位玉晨元皇大道君第三中位

太極金闕帝君姓李下註壬辰下教太平主第四

中位太清太上老君不知所謂老子者金闕帝君

乎抑太上老君乎葛洪元始上真衆仙記

則謂元始天王

在玉京山經二劫下遇太元聖母經一劫一施生天皇十三頭東王公曰元陽父又生西王母後復

生天皇十一頭人皇九頭雷霆玉經則言浮黎元
始天尊玉清神母元君生長子為玉清元始天尊
第九子為高上神霄玉清真王長生大帝上清三
尊譜錄則云第一度師上玄真明道君即元始上
皇夫人法姓靈法諱翕法字奏正音姓無名延世
音字觀無觀第二度師無上玄老即高上九天太
上真王法姓靈法諱系法字燾正音姓虛無名上
觀洞字運洞字運梵靈第三度師即金明七真法
姓奎法諱燾法字燾正音姓虛玄妙名延世明字
係上無一無上清金相宮一在上清金蘭宮一在
上清丹靈上宮不知所謂第二第三者即靈寶太
上否大有金書復稱天寶君為大洞尊神號玉清
宮靈寶君為洞玄尊神號上清宮神寶君為洞神
尊神號太清宮此則三清之別號也

玉皇 玉皇上帝初劫為光嚴妙樂國淨德王太子
捨位脩道八百劫捨位復行忍辱三千二百劫始
證金仙為清淨自然覺王如來又經億劫始證玉

帝位見本行經

姓名

河伯姓馮名夷字公子見聖賢塚墓記秦宗

新祠頌又姓呂名公子夫人姓馮名夷見龍魚河

圖佛圖澄姓濕見邢州寺碑道安姓帛見高僧傳

介子推姓王名光范蠡字少伯鬼谷子姓王名詡

見神仙傳毛女字玉姜見神仙傳元始天尊姓樂

名靜信見度人經阿彌陀佛姓憍尸迦見陀羅尼

集毗婆尸佛尸棄佛毗舍浮佛俱姓拘若利拘留

孫佛拘那含牟尼佛迦葉佛俱姓迦葉俱見長阿

含經釋迦牟尼佛姓刹利見普曜經又云瞿曇氏

見釋迦方誌一祖達磨姓刹利帝本名菩提多羅
二祖慧可姓盧名神光四祖慧可姓司馬五祖弘
忍姓周六祖慧能姓盧俱見傳燈錄壺公名施存
孔子弟子見真誥玉門子姓王名剛九靈子姓皇
名化北極子姓陰名恒絕洞子姓李名脩太陽子
姓離名明太陽女姓朱名翼太陰女姓盧名全太
玄女姓顓名和南極子姓柳名融黃盧子姓葛名
起馬明生姓和名君賢張道陵名輔劉根字君安
尹軌字公度介象字元則見葛洪神仙傳弓神名
曲張見龍魚河圖箭神名續長弩神名遠望刀神

名脫光劍神名飛揚俱見太公兵法廁鬼名頊又
名郭登井鬼名瓊衣服鬼名甚遼龜神名隗又姓
張名卓字子郭東王公名倪字君明西王母名楊
名回天翁姓張名刺渴見酉陽雜俎船神名馮耳
見梁簡文記日姓張名表字長史日中青帝名圓
常元字照龍韜赤帝名丹靈峙字綠虹映白帝名
皓鬱將字迴金霞黑帝名澄漕淳字玄綠炎黃帝
名壽逸阜字颯暉像月姓文名申字子光月中青
帝夫人名娥隱珠字芬艷嬰赤帝夫人名翳逸寥
字婉延虛白帝夫人名弄素蘭字鬱蓮華黑帝夫

人名結蓮翹字濬屬金黃帝夫人名青營襟字炁
定容東嶽姓玄丘名目陸南嶽姓爛名洋光西嶽
姓浩嶽名元倉北嶽姓伏名通萌中嶽姓角名普
生東海姓閔名內靈西海姓導名洞清北海姓喻
名淵元又東海姓何名歸君西海姓劉名漱君南
海姓劉名躡君北海姓吳名禽強君歲星姓碧空
名澄瀾字清凝夫人姓涵常名寶容字飛雲熒惑
星姓渙空名維濤字散融夫人姓陽常名華瓶子
玄羅太白星姓寥靈名振尋夫人姓明常名颯英
字靈思辰星姓肇咍名精源夫人姓淵常名玄華

字龍娥鎮星姓藏睦名耽延夫人姓康常名空瑤
字非賢雷公江赫冲電母秀文英風伯方道彰雨
師陳華夫俱見道經 廁精名依倚木精名彭侯
千載木有蟲名賈胙狀如豚山水間精名必方王
精名岱委金精名石塘水精名罔象故門精名野
故宅精名輝文又名山冕可呼使金銀廢丘墓之
精名元故道徑精名忌又名作噐故池精名意故
井精名觀絕水有金者其精名侯伯故臺屋精名
兩貴左右有石水生其間其精名喜三軍之精名
賓滿故水石精名慶忌丘墓精名狼鬼故市精名

毛門室精名傒龍山精名夔一足樊池精名髮頊
一作髡頊故溷精名卑俱見白澤圖語忘敬遺治
產鬼名臨產呼之佳釁穀傖倖亦鬼名見東方朔
罵鬼書龍魚圖云太山神姓圓名常龍衡山姓丹
名靈峙華山姓浩名鬱狩恒山姓澄名漕濤嵩山
姓壽名逸群呼之令人不病東海神姓馮名脩青
夫人姓朱名隱娥一又神名阿明南海姓視名赤
夫人姓翳名逸寥又名祝融西海姓勾大名勾伯
夫人姓靈名素蘭又名巨乘北海姓禹名帳里夫
人姓結名連翹又禺疆又名河圖東方蒼帝神名

靈威仰南方赤帝神名赤嫫怒中央黃帝神名含
樞紐西方白帝神名白招拒北方黑帝神名叶光
紀與道經所載俱不同恐俱未可信也龍魚圖又
有太山將軍唐臣霍山將軍朱丹華陰將軍鄒尚
恒山將軍莫惠嵩山將軍石玄髮神蒼華字大元
腦神精根字泥丸眼神明上字英元鼻神王壘字
靈堅耳神空閑字幽田舌神通明一作金字正倫
齒神齔鋒字羅千心神丹元字守靈肺一作牙神皓
華字虛成肝神龍烟字含明腎神玄冥字育嬰脾
神常在字魂停膽神龍曜子威明見黃庭內景經

又與河圖髮神壽長耳神嬌女目神珠映鼻神勇
虜齒神丹朱不同

精怪 異之爲言怪也謂先發感動玄中記千歲樹
精爲青羊萬歲樹精爲青牛山精如人一足長三
四尺夜出晝藏玉精爲白虎金精爲車馬輶精爲
僮奴松精爲老婦博物志山有夔形如鼓一足澤
有委蛇短轂長轅河精長人魚身非河伯也百歲
精化爲女人名曰知抱朴子云山川石水井灶滂
池猶有精氣人身中亦有魂魄况天地爲物物之
大者當有精神有精神則宜賞善罰惡但其體大

紂疏不必機發而應耳又曰山中寅日有稱虞吏者虎也稱當路軍者狼也稱令長老狸也卯日稱文人者兔也稱東土父者麋也稱西王母者鹿也辰日稱兩師者龍也稱河伯者魚也稱無腸公子蟹也已日稱寡人者社中也稱時君龜也午日稱三公者馬也稱人者老樹也未日稱主人者羊也稱吏者麋也申日稱人君者猴也稱九卿者猿也酉日稱將軍者老雞也稱賊捕者雉也稱人姓字者犬也稱咸陽公者狐也亥日稱君者猪也稱婦人者金玉也子日稱社者鼠也稱神人者伏翼也

丑日稱書生者牛也知其由則不能為害世以門

稱尉井曰童竈曰君廁曰三姑皆古戮于門而自

投于井竈廁而死者人遂以為所司之神而圖其

形焉理或然也見詢葛錄